

0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

deli 得力集团有限公司 No.6230



437
822 7/11







104229











右碑本
人發
集稿
本

1957年11月
上海圖書館



1. 513117
2. 513117
3. 513117

釋洪聲雲聲二集稿本其刊
行本用分體編定詩則無所
刪也 石禪老人後



公曆一九五三年十月十日
昆明市農會移交圖書館







事湖頭隨寄好詩來
毫生黃菊非他種
古可青蓮即
一胎千古文章才不盡
何須徒向

其二

曾看劍氣拂芙蓉
彩筆花生淬錦鋒
添到兔頭猶是
角散來鷄距有誰容
觀魚紫石潭成幻
綰綬玄奔郡
已封怪爾晚香矜
素節偶然孤竹對
霜鍾

次韻送林素菴文學之江右

梅花正可供人笑
何事春先賦別離
筆墨君無不



雅雲山到處總相宜
數聲雁度孤煙外
千里帆隨落照時
此去武寧匡頂近
新詩頻寄慰予思

和石門竹尊者韻

傑出叢林志豈枯
亭亭素質類僂癯
虛中自幻懷高節
挺持誰能過此夫
玉骨肖同凡草伍
實香惟待鳳皇徒
丰標迥絕炎涼態
雪壓霜欺亦似無

其二

泉石爲隣興不枯
堅貞寧復問肥癯
勢摩霄漢稱人

望頷袖龍孫美丈夫秀勁森然真蔗種丰姿玉立肖
吾徒歎頭天外誰堪並節操清竒世所無

其三

寂音孤管未曾枯歷盡風霜影不懼文字尚留耳露
滅嘯談終讓老潛夫凌雲高節推尊長統逕孫篁總
傑徒澹澹秋光奪碧永白雲點染去乃無

鷄冠花次聞忘泉先生韻

尚有莪冠在淒淒問此花何曾鳴不已只爲色堪賒

服弗衷成鷓冕知古重麻山風吹莫墮岸幘醉流霞

其二

損益初時定分來長幼看人皆驚吐綬爾獨對南
高突山腰柵踈過地隙闌雁書何日到霜錦報秋寒

其三

籜冠高赤漠空作木猴悲聚鷓標言論飛鴻漸羽儀
花無分葉派語不辯窓竒羽翼他年就空山待紫芝

其四

秋飈促蘭桂草木亦難平志潔能棲綏心雄不斷纓
材荒午夜起白露一天清搔首徒延佇瀟瀟風雨聲

別天童山曉和尚

魚端聚散霑懷抱一笑空天雲自從花發故園皆舊
路舟行春水別殘冬嚴霜侵鬢予何早古道關心君
獨重相約來年仍此月半牕明月話疎鍾

寄別瑞巖遠菴和尚

不因客影空江畔却爲懷人山亦愁夜雪照天辭鑑

水春風催棹上均州遙欣古樹高峰立遠愧飄蓬萬
里遊莫悵巘前雲斷處待予同汲碧溪流

留別聞天迺先生

不堪歲暮別同人霜雪連朝兩鬢新閉戶高吟存古
道携筇深愧逐風塵雲歸楚岫猿啼切月過吳江旅
夢頻何處梅花春最早相看萬里獨逡巡

留別法兄錢聖月先生

崢嶸客路嗟雲暮此際辭君倍愴神入世何能出異

想論心惟有念同人鳥催春放扁舟急月待松回旅
夢新重約江東舊時句歸來我亦結芳隣

留別德兄兼贈令孫于石禪德

不盡松堂古高風萬里思祖孫聯永日水雪照心時
望柳宸還淺登山夢亦遲幾回舟動處月影在疎枝

壽天童遠兄和尚

長庚星卓萬峯巔夜夜龍吟海氣連莫以歲時方半
百且看世界已盈千雪甦梅眼春先到雲老松心翠

更鮮無盡山川今古外何須寶掌較長年

初晴喜山曉法兄和尚至

正及思兄兄到來恰逢天霽洞心懷黃花亦鮮迎
客寒蕊枝枝對笑開

秋晚泊潮

秋色依孤艇晚潮信尚遲雨聞寒不讓煙望野猶迷
聲濕漁歌咽沙眠鷺影低自吟還自笑兀坐亦如癡

夢中題画

倚筇偶對孤峯立絕壁看雲斷復生一線飛來何處
雨瀑花帶翠作溪聲

壽成岳司馬朱梁甫

即朱相公諱庚之孫

自古心惟可永年雲山萬里亦同然孫從相國承衣
鉢政奏南天聽管絃三獨坐中分鼎象四時花發有
香傳多君引我培風翼高望扶桑初旭邊

寒食客維楊作次韻

春光五十客中殘寒食愁逢邦水邊千里故園猶在

望數行空信倩誰傳笑同折柳簪星鬢羞共尋芳
少年來日好風如有約短歌信棹破江煙

贈天柱峰隱者

澹泊心如水悠然泉石閒萬松深翠裏一逕入花間
世事杳無涉柴門靜不關客時相過訪嘿坐對青山

昆池夜泛

池入夜水廣秋風爲蕩漾此時孤立人微茫覺氣爽
新月無所依與我同來往一雁破寒空海日悠然上

懷山中諸子寄梁甫朱司馬

旅館蕭蕭臘又遷
孤筇萬里倩誰還
浪遊定重親朋
念久客時煩故友
憐眼底風雲驚變幻
夢中鄉國苦牽纏
何時同遂歸山志
深入松溪枕石眠

次荅友見寄

有序

予雖方外聞先生之名久矣
癸丑秋至滇即知其隱居見性山
因杖履先調愧不果訪承見寄
佳作勉和奉荅稍申區區仰慕之私

獨慚先覺憶天民千里同風幸有人欲寄素懷通
舊預承錦字落雲新行吟泉石饒風月高卧烟霞遠
世塵自笑浮踪無住着隨方乞食任閒身

遊友人山居書贈

次壁間韻

每逢山水興偏狂破曉尋幽到夕陽峰靜似僧常在
定雲閒如石巧橫牕溪延竹影淺深翠逕入花陰次
第香更喜主人多道氣拂塵煮茗為余忙

秋仲集孝廉陳驤伯書齋聽鞠敬然琴

愛此秋色佳草木
發幽思况坐高人齋
晨夕聆玄誨
時復理素機竹風響清籟
泠然洗心魂豁達凌高致
始悟山水音恍與羲皇值
奏罷萬籟虛寒月照空翠

甲寅春仲同朱青野劉德昭二文學遊煙溪

春風邀遊屐步步理蒼翠
曲屈煙徑迷雲根勢欲墜
忽轉見平川寒聲聞石髓
夾岸闢竒峰巖巖驚光怪
寂然景幽深古松拂清籟
耳目領空明頓忘風塵累
浩歌策歸筇夕陽山欲醉

留別梁甫朱司馬

萬里歸筇促客征，連朝風雨不勝情。
兵戈幾處能無恙，山水何時可再盟。
眼底荒涼悲古道，天涯飄泊媿餘生。
雲寒野店驚鴻度，應感同人念遠程。

集陳進思書齋喜雨中蘭郡侯至

萬峯環翠暑猶清，小閣遙連野色平。
忽見彩雲來紫騮，喜逢耳雨潤蒼生。
風飄麈尾談心靜，香綻榴花映座明。
茗碗相傳忘晝永，斜陽山色醉啼鶯。

宮詞

桃李欣欣向日開
六宮何處不春暉
妾憐貌似梅花瘦
那得君王賜寵來

子夜歌

儂許歡不妄
歡約儂不真
隔山聞樵歌唱
知是負薪人

秋仲初霽遊羅漢岩

數里尋幽致
况當秋氣清
池要峯影醉
雲遜鳥呼晴
佳眺隨方改
竒思信步生
茲遊良不負
事事可人情

其二

樵徑隨湖曲
筇聲在翠微
往來孤野興
談嘯信天機
巖險驚雲墮
樓危恠樹依
昆池多隱事
其一晚漁歸

其三

懶聞近世語
喜結靜中緣
假此逃塵俗
偶然對石泉
况逢賢雅士
恰值雨餘天
最是生幽思
鳥聲聽客船

其四

杖履獨臨深
幽然清遠心
晴巖殊磊落
秋水易蕭森

羽濕長離樹雲寒只在林片時相領畧靜裡度松陰

其五

小泊昆池岸高登極翠巔松聲長作雨石氣華成烟
有致雲霏袖多情峯近船晚漁歌醉罷月跡晒沙灘

高雪君同令弟見訪不遇次日奉邀次來韻

三徑荒蕪永日閒清幽稍似在山間偶聞二妙時過
我恰值孤雲出未還

其二

日喜新晴主亦閑携琴待客竹林間雖云蓮社原無
酒諒不攢眉拂袖還

夏仲同馬君騁萬爾梅集佟漢符書齋

雨餘暑氣肅書堂深翠陰先生契之化澹然忘世尋

携琴時招我相對古人心况復逢高士指指聞正音

頓令耳目爽恍與羲皇參不覺日將永新月在松林

是晚同爾梅先生買舟而歸

揖別日已暮歸興假漁舟老雨溪流壯新晴翠欲浮

水氣不受暑煙白只疑秋所適多感會領覽非泛遊
童子遙招手柴門亦尚留

凌母夫人節行詩

清白霜居婦道先栢舟矢志古同宣事姑禮盡凌君
孝訓子嚴過孟母賢獨許冰心酬皎月惟持貞節樂
天年克家喜有奇男子不負夫人德行全

夏日同諸公遊昆池次啓門程先生韻

新霽雲猶濕峯峰間瀑泉因詢先哲隱

謁太史祠

偶

過太華邊山水邀同志琴樽豈礙禪波光清可掬不
覺暑餘天

其二

高步尋幽致林深獨掩門

願生讀書太史祠
是日訪之不遇

晚霞生

海日蒼翠隱山村不遇同人話惟聞野鳥喧莫辭歸
路遠新月照松根

其三

孤舟信所之偶爾到峯西即此昆池畔何如若耶溪

雨餘風淡淡煙濕草萋萋小泊入花徑和香踏蘚泥

其四

萬頃明如鑑深幽泛自安心連天水靜鳥逐管絃歡
晴氣光猶濕烟嵐翠不乾歸乘風力便漸覺晚生寒

冬暮同彭糧臺馬少叅徐郡侯何司馬舒司理

集野園得咸字

名園喜對羣賢飲隨意評花坐蘚巖梅爲多情香艷
艷鳥因有致語喃喃翠陰深淺生寒沼雲影橫斜倚

碧嶠幽興不辭歸步晚醉霞峰外已西緘

歲暮喜同東越楊先生香海除夕

太白同叅三十載鑑湖揖別各方天不期雲水重逢
聚相對鬚眉尚宛然才德憐君耳退隱風塵媿我苦
留連烽烟萬里歸何日撥盡寒灰又一年

漢符佟先生以中袂琴見惠賦此奉謝

枯坐竹窓底孤懷無所寄偶得太古人贈我太古器
初理寒泉清再奏松風起拂我面上塵洗我胸中否

新月照繩床悠然忘悲喜多謝太古人靜樂從此始

久雨

蕉響渾無倦獨坐山齋冷叫問天邊日雲眠胡不醒

河洞八景次友韻

平疇曲水

綠畦千頃繞門看屈曲清溪逐徑盤不獨枕流堪漱
石香杭足可鶴同餐

晚煙橫帶

風捲晴嵐露遠村斜拖數縷映朝暎偶携短杖尋高
隱破衲通身濕翠痕

斜陽牧笛

牧子歸來石徑斜肩橫箬笠着山花數聲蘆笛雲中
落峯頂微微帶晚霞

遠岸寒梅

依依幾樹歲寒香相與清溪夾岸長遙憶幽人興不
淺近來佳句已盈囊

曲逕桃花

繞屋絳桃盡放花
春光何處勝山家
避秦弗用尋仙
隱即此桃源境不差

硯池秋月

洗硯池香不用沾
蟾光夜夜印冰壺
墨花不定浮池
面恍似張顛醉後塗

踈村雨陣

秋雨秋風匝座踈
幽懷轉覺興偏舒
米家山水長當

戶得句狂歌信筆書

古刹凌雲

梵宮迥出白雲巔俯視峰巒幾萬千何日携筇棧此
地鋤煙自種紫芝田

馬少叅雪舫齋初成賦贈

四壁如秋水虛齋若舫移花明香次第竹靜影參差
詩画天然古琴樽性自宜閒邀方外士談笑發清機

除夕

鄉思頻添夜不眠
短檠對影旅窓前
寒梅笑客除殘臘
白髮欺人勝往年
詩興減因衰病裡
夢遊多在故山邊
風塵老我天涯久
浪跡無端只自憐

題画蘭

不假春風力任從桃李疑
多君恬澹致相對歲寒時

其二

淨質本孤潔幽懷孰共芳
偶憐圖上影時惹夢魂香

其三

展冊香盈室芳心未易傳孤清惟日許端不受人憐

其四

夙生幽谷性清亦畏塵知素影香風裡悠悠動素思



子夜歌

儂心已許歡臨期
又失望雨中放葵花
無日可相向

其二

屢約屢成垂深夜
發長嘆欲種菱魚園
難得見麩面

感遇次友韻

短褐悠然坐竹林
一窓微影對孤吟
鬚眉難向雞群
立杖筇猶堪鶴共
參春淺梅花瘦似
我夜深霜月冷
平心寥寥宇宙悲
吾道舉世誰能辨
珉琛

雨中過漢符佟先生

久與高賢別因之破雨過
屐露泥水重衣帶濕雲多
茗話忘終日琴心樂太和
喜歸舟子便晚霽到山阿

苦雨

升米頻增三百錢
天公猶自雨綿綿
官糧似火差如

席戶戶厨寒泣斷烟

再嫁行

不願前郎嫁後郎
誰知後嫁更尋常
如今耳作花塔

婦猶道朝朝粉面香

壽彭府君

獨立高巖石氣清
欣瞻吉曜福蒼生
春風錦織香生

韻秋水心含月共明
滇境數年歌德政
臺端首望着

聲名使君自具金剛體
肯向蓬萊再結盟

東越楊先生許度歲香
海詩以邀之

曾許荒庵度歲寒
梅花終日待君看
遙知不負同人

約一榻松間早已安

題畫冊

峯勢高插天飛泉破翠影采藥人未歸茆屋鎖雲頂

又

晚雨試初晴雲心峯欲出秋老到孤村寒聲聞落木

又

山靜無新聲溪深多古色此中清冷味獨許幽人得

又

梅雨忽初霽峰峯淨如洗茆屋不成村住老烟霞裏

又

凍雲久不消
早霞色初醒
山人尚閉門
古木落寒影

又

竒峯如渴龍
競飲長江水
我欲棹小舟
泊在懸巖底

又

泉石入深秋
古木心知冷
海鶴不飛來
空亭肅人影

又

石瘦似老猿
雲幻如恠石
只少西來僧
對此常面壁

又

溪深煙霞冷古松翠自香老屋不見人徑鎖莓苔荒

又

春烟生遠近倦雨將欲竭林深翠不乾隱隱見峯色

又

巖竒若夏雲古風吹不散樵隱者何人住在山之半

送輪菴法侄和尚歸寒溪

客中送客自堪憐送盡行人歎未還萬里孤雲君去

速十年一衲我留連
杖頭秋色寒山外
旅邸鐘殘野寺邊
予亦來年歸可計
先煩致意故人前

同諸子遊圓通寺

春晴諸子約把臂
喜同行訪寺斜穿市
看山迈入城
飛樓雲幻出危徑
翠橫生坐俯石窓
下昆池一鑑明

客中對月有感

異地秋光幾度逢
不堪相對月明中
鬚眉久爲風塵
老師友何時夜話同
春^青酒聊再餽
青眼遠塞無因問

遠鴻且喜故人憐
旅况時携杯茗慰飄蓬

宮怨代友作

秋色無言訴與誰
因思當日遇恩時
雨雲變幻天何
意寵棄無端夢自知
花裏翩翩憐蝶戲
燈前寂寂怨
更遲月明此夕偏
堪恨不照歡娛照妾悲

登太華山

芒鞋高步太華巔
峭壁凌霄鳥道懸
萬頃碧涵明鏡
裏千峯秀毓
畫廊前逢分雙塔
浮天影靜聽孤鐘出

曉煙喜遇大賢新品玩重開生面壯南滇

其二

圖畫天開四面竒烟霞片片上鬚眉高低峯作兒孫
立遠近帆如鴻鷺隨梅老蘇枝撐古壁竹深翠徑繞
踈籬願予何德承先哲千載名藍待有時

其三

時制臺命主太華

峯頭卓立古招提鑑祖風規孰可躋臺冷孤雲分半
榻林閒野鶴借高栖池光照眼窺天浴花影橫窓聽

鳥啼倚杖巖端舒遠望
曉煙初霽萬山低

閒居雜詠

無才趨要路有分契林泉
萬念空山裏一枝野水邊
惟餘幽靜事迥絕世塵緣
豈是逃時俗多因性自偏

又

夙有漁樵志非山即水邊
把茆蓋雪頂終日對青天
心靜冷于月詩狂湧似泉
小池時近座勸飲幾枝蓮

又

只此幽深處青眸日日開
汲泉香助茗坐月影斟杯
雲看恠峯出松聽鶴野回
一庵清不了何用訪天台

又

托身塵世外學懶石泉間
一室空如許獨門靜不關
雲眠忘石冷蝶夢任花閒
惟有多情友晴窓來遠山

又

半村蕪半郭居僻少逢迎
松古秋難老窓高月易生
荷香看面綠竹影逼人清
雨後携筇爽新霞帶水明

又

晚晴秋氣澹花徑步從容烟醒昆池月聲殘玉案鐘
影孤憐瘦鶴砌濕訴寒蛩枯坐忘更盡東窓曉燒紅

又

野外多清况晨昏景亦佳山爲旭燒紫菊作晚秋花
蕨苦貧能食松顏霜更加把鋤學老圃帶月種胡蘇

又

桂飄松竹裏翠卧石頭香放眼青天外遊心廣莫鄉

窻邀峰啜若琴聽月鳴床更喜昆池近隨時泛小航

登海天閣同范頤王方諸君子賦

亭亭高閣出雲端登眺方知天海寬
四五人同霄漢坐百千峰作畫圖
看憑虛曠目神俱遠對塵談心月
漸丸俯聽下方塵事寂萬家時接管絃歡

遊青嶂溪

携筇青嶂裏迥與世塵分曲徑通深翠
危樓高出雲溪幽延古色泉響發清聞
不具烟霞骨茲遊未可羣

山行偶見秋葉

滇地楓林少，無多秋色看。
偶過孤巘險，忽見一株丹。
葉葉含春艷，枝枝帶露殘。
輿人歸促切，難以久盤桓。

曉發聞鴈聲

殘星猶在望，破曉入山鄉。
羣鴈來何處，如人亦自忙。

遊芝雲洞

古洞深翠微，中藏雲萬片。
片片產僊芝，垂垂若彩串。
下有怪石群，儼然不可犯。
如獅逐虎犀，如龍翔鳳燕。

飛舞競煙霞光恠頃百變君不見乳笋如玉柱撐柱
爲僊屋錦屏與瑤臺燦爛懸瓔珞面面透靈瓏星月
光簇簇石髓滴明珠亂撒幾千斛我遊遍天下無能
勝此者安得采把茆相對永爲舍

天生橋

杖笠穿雲訪勝遊天橋高架碧峯頭驚虹出水拖霞
影飛瀑懸龍噴雪毬鳥語吹香芝草嫩藤花繡石蘚
痕幽烹泉坐愛看忘倦日暮還爲此地留

次友過訪韻

茆屋昆池岸
窓鏡水光齊
護竹憐棲鳥
課童學種畦
小樓欹樹頂
群岫入眉低
何幸來高士
同聲和品題

其二

藏拙全吾懶
幽深塵事除
心空忘寂寞
髮短任蕭疎
雲老香親榻
竹寒翠繞廬
偶然閒對麈
月跡到窓虛

其三

尋梅賢士過
奪笑喜清新
友道從高古
詩文見性真

平生孤鶴影萬里偶雲身
老大空雙眼今逢莫逆人
孟春陪范頴王張沈諸先生宿太華山

老步久忘遊覽興群賢招我酌林泉
相携杖出烟霞外共訪山來圖畫邊
花落馬蹄香蹀蹀雲開石徑月娟娟
况兼接麈聞高論午夜琴樽未忍還

感懷

久客無端未得還故山長在夢遊邊
萍飄昌穀九千里浪別明州十五年
春去秋來駒隙日人情世態炎

涼天相憐獨許昆池
方夜夜携琴對榻眠

老馬

瘦剝追風骨堪憐力不支
草寒嫌齒鈍蹄憊羨雲馳
已謝昂霄志猶懷報主私
春郊晴日暖步步傍堤移

並蒂水仙

花亦學鴛鴦平肩並蒂芳
同生金玉質共抱歲寒香
燈下難分影風前合樣粧
水僊名本潔宜與對山窓

聽琴

幽然坐竹閣琴韻月中閒寂寞煙霞外高深山水間
響空情境化心冷俗塵刪奏罷渾忘我孤雲自往還

奉贈路南許州尊

久羨逢人道氣清彈琴况復鶴聲生心閒聽徹松風
細眼靜看穿漠月明豈但路陽多政績於今海內重
詩名自慚懶拙輸友道得與詢公更訂盟

集斯立樓贈武陽郡侯式廬王先生

獅山秀峻甲滇山武陽巨郭當勝地中藏天下奇且

幽巖谷公篁凝古翠一臺雄卓郡東西金江環帶波
文織惠嬾湖明照古今香泉應禱耳霖施况遇我公
福此方人傑地靈兩無比仁風和氣甦荒枯萬姓欣
欣頌歌吹時寧境靜政多暇化民共樂文雅志斯立
之樓高壓雲萬象森然歸俯視戊辰春仲慶華筵英
年獨立孰能此嘉賓快賞喜同聲琴樽嘯咏渾忘寐
錦屏春暖風輕輕蟠花仙蕊香累累此樂此時非偶
然風流千載仰芳致共祝臺端高步時遙知長誦斯

次張菊水過訪韻



忽承二妙遠相尋
慚愧荒庵秋草深
風度久知高五柳
匪才何以紹東林
手談局局明先著
麈教言言爽素心
欣遇子期山水契
笑予空負古人琴

歲暮簡同門東越楊先生

窮

萬里同爲客
况逢歲暮時
道_窮難聚首
鬢蒿盡成絲
夢逐歸鴻遠
愁攻就榻遲
先師塔在望
洒掃此心虧
得故人書

孤坐石窓下
寒燈蕊_下關可憐
雪裏鴈辛苦
萬山來

宿山村

野宿投山店江聲落夜潮
幾家曲傍水一木獨撐橋
古道行人少溪深產竹饒
鷄啼甦客夢曉唱雜漁樵

初春雪望

冷白山牕疑夜月晨開蓬戶望
中空堦鹿過魚行跡折竹聲高
不見枝鴉陣忽停知柳岸孤烟
突處認漁炊因思太古忘群象
天地渾然未闢時

贈天相周先生

道義交難遇
羨君知我心
不惟同患難
相許在高深
瞻仰雲中鶴
棲遲林下禽
千秋知己感
但撫伯牙琴

懷太白法兄山曉和尚

分燈太白聯牀日
回首明州幾十年
老我客懷寒似
雪峰頭惟有月相憐

秋閨搗衣

幽閨寂寞秋風裏
未報先知紫塞寒
砧碎月中耳妾
力淚痕衣上恐君看
正殘落日愁音杳
夢托飛鴻問

遠安縱得封侯頭
花枝空擲倚闌干

丙寅夏酷暑芒種後數十日不雨草木欲枯至

大暑始得暢霖喜作

芒種至大暑無日不天晴
忽望雲興意俄驚雨驟鳴

祥風甦蒿植耳澤慰蒼生
酌茗欣相對爽然心目清

武定郡侯式廬王公過訪即席奉和

茆齋僻近昆池岸
荒徑何堪接大儒
雨醒遠山開霽

日心清秋水映冰壺
品稱獨立人皆許
才邁群賢信

不迂揮麈風生驚四座得來錦句煥明珠

其二

依依秋岸芰何涼逸少風流興自長筆落雲甍青嶂

曉詩成字覺桂花香論心丈室生虛白對菊踈籬已

綻黃

時秋菊將放

此日盤桓非偶爾他年佳話有餘光

登五華山拜雲亭

其二

樓閣橫空俯市廛雲根下接萬家烟
凌虛梵鐸聞天語破曉松濤雜管絃
杖笠渾登霄漢頂溪山盡入畫
窻邊曠然眼放乾坤小何必重遊秦嶽巔

蘭影次張仲元先生韻

與蘭本不異燈下藉丰姿永夜澹相對
幽然冷上眉

又

香笑依書案幽閒態更妍多情新月上移照小窓前

又

夕慕芝蘭友忽于旅館逢夜寒花睡穩蝶夢色香空

又

偶入人間世高懷總在山依依笑不語疑對畫圖間

又

孤潔從來許堅貞自可親多君恬淡致或恐是前身

芳神清不了移向月中看初分臺畔照忽寫上欄干

又

冷色絕群艷香亦自清虛亭亭霜雪裡宜伴冷翁居

又

香無香莫辨形與影同叅偶憶佩蘭操高懷只自含

曹集孔毛抑菴二先生見訪次答

浪跡滇南愧有年不堪白首對青天衰歟吾道倩誰
挽老矣芒鞋信步穿藏拙忽逢二妙過談心莫逆五

華邊千秋佳話由今日異地知音豈偶然

新柳

嫩似鵝黃淡似煙柔姿裊裊倚池前細腰輕舞春猶
淺青眼將舒翠漸添月照梢頭重画影笛聲隔岸隱
漁船不堪折贈行人遠先有離愁到客邊

登與春樓呈制臺范老先生

画樓迥卓群峯小俯視平開萬井烟蒼翠一簾松竹
影清秋滿案筆花明欣欣草木光風裡靄靄雲霞霽

日邊竹寺野人隨
真朱聲光高並五華巔

麗矚樓爲臬臺許老先生賦次雲州陸先生韻
高樓登眺試春初
四壁群賢競彩書
對塵遠山談笑
永揮毫明月品題餘
徑開次第花常艷
竹映橫斜翠
不踈座上琴樽賓客滿
何須郭外更爲廬

送友歸蜀

與君雖異地
共客滯南滇
詩老杜陵許
酒狂太白憐
十年欣聚首
萬里忽分天
此去真長策
舊廬尚有田

春仲廣通穆庵李邑侯見訪即韻奉答

自笑無端客遠滇一瓢空向樹頭懸
知心雲鶴邀筇訪老我溪山枕石眠
出世久忘青白眼把茆惟種藕花田
使君欲問歸宗旨水在瓶中月在天

其二

忽喜淵明訪遠遊拂塵煮茗爲君留
筆尖花落香成韻麈尾風飄興更幽
久愧情枯冰壑冷閒看雲淡曉天浮
元符懶說無生話頑石徒勞學點頭

高齋庵楊先生

若以文人論無人不可祠史書名字重忠諫主臣知
一卒天涯老千秋道在茲至今昆海月獨照古鬚眉

其二

山亦因人重松杉起慕思孤忠終古恨異地一身危
直道當時忌文章代可師荒祠遺像在幸覩昔威儀

遊龍泉觀

竹杖相携入亂峰煙霞深處隱龍宮古梅花作蕭疎

影碧沿魚分長幼叢屋老數椽荒草沒鴉寒幾點夕
陽中半酣山色人歸遠嶺外聲三度晚鐘

次答楚雄曾公望見訪

無端浪跡滯滇邦雲鶴相隨友一雙何幸名賢時見
訪携來明月照蓬牕

其二

閑居幽僻寂無塵天末欣然遇哲人接塵依三心目
爽慚三白髮久飄然

芝房洞 即西廛洞

芝房五色產雲根
鳥道委蛇破翠痕
濟々群峰懸杖底
昆池如鏡正當門

庚午春仲集澹寧軒

上限嘉客談詩主人
病起下限韻

嘉會晴明值仲春
客逢好友對芳晨
談文蘭室分香影
詩約昆池泛綠蘋
賢士采題聯錦字
主人雅集席花茵
病安從此多遊興
起步名園日日新

奉和制府遊灤洞

翠竇連環一徑分
玉龍漱石出重雲
玲瓏屈曲隨筇
遠左右逢源響共聞

聽瀑樓舊名龍樓洞

石屋天然不用椽
仙人曾此枕流眠
瀑聲清徹龍樓
聽勝賞新開一洞天

孟夏制府招集曹溪寺看優曇花

萬有感元化群產殊不同
人物與珍竒各隨秀所鍾
猗彼優曇花中
十豈鳥
忽遙從西域來
移植古剎東

孤立六百年晦影荆羨不自求知遇林壑耿幽衷
英華甘物外佛窟老雲封何幸賢哲鑑欣然拂仁風
山靈如有待重見天地功清泉沃其根雨露澤其容
花開能應曆十二合黃鐘芬芳滿山谷色香潔且豐
恍非人間世如入祇樹宮酌酒酌山靈毋令樵斧攻
從茲千載後大化無始終

庚午新秋制府招遊雄川閣即事

雄閣臨川迥卓然霄漢中波光生萬頃翠色暎千峰

杯泛池心綠旌搖日影紅
群星歡聚處不遜古人風

其二

雨餘新氣爽彩艦泛秋光
野濶連天碧風微入座涼
琴移山水靜棹動芰荷香
主客情偏逸行歌帶夕陽

秋仲日奉陪學臺克庵吳老先生由昆池泛舟
登雄川閣

帆正風無恙羅崖喜漸迎
竒峰看水面孤雁聽雲聲
岸影橫煙白波光入燕燕
是遊皆有致不及此多情

孤立六百年晦影荆襄不自求知遇林壑耿幽衷
英華甘物外佛窟老雲封何幸賢哲鑑欣然拂仁風
山靈如有待重見天地功清泉沃其根雨露澤其容
花開能應曆十二合黃鐘芬芳滿山谷色香潔且豐
恍非人間世如入祇樹宮酌酒酌山靈毋令樵斧攻
從茲千載後大化無始終

庚午新秋制府招遊雄川閣即事

雄閣臨川迥卓然霄漢中波光生萬頃翠色暎千峰

杯泛池心綠旌搖日影紅
群星歡聚處不遜古人風

其二

雨餘新氣爽彩艦泛秋光
野濶連天碧風微入座涼
琴移山水靜棹動芰荷香
主客情偏逸行歌帶夕陽

秋仲日奉陪學臺克庵吳老先生由昆池泛舟

登雄川閣

帆正風無恙羅崖喜漸迎
竒峰看水面孤雁聽雲聲
岸影橫煙白波光入燕_燕是遊皆有致不及此多情

其二

一尊欲共載泛：入滄浪秋老空天色荷殘帶露香
棋聲花鳥外詩話水山傍遙望雄川閣停舟興更狂

其三

水濶疑無岫高樓喜可躋耳空天語近目曠鳥飛低
雲漢驚談嘯溪山任品題巍然尊一閣不與衆峰齊

其四

興餘重理棹風送彩旌歸雙塔看將近千峰望漸微

浪花飄客袖雲氣薄秋衣霞落留三徑行童候竹扉

龍淙石屋

桃源何處訪仙真到此無煩更問津須信尋遊非世
調不仙應是道中人

聽瀑樓

石髓穿雲聲亦寒恍疑仙子珮珊珊山靈豈獨私予
聽自是塵人被耳聒

日坐雨菴

石床空對月看經引鼎
龍亦解聽幻化筆田香雨
遍至今山水墨花靈

一草亭

相看洞口立茆茨斜倚雲根作柱支
風雨眉端席坐穩陰晴來往不須疑

宛轉溪

百折溪聲逐杖尋玉龍宛轉出雲深
由來出處源頭活澤及人間未有心

石香橋

一段虹霓架水光
苔花夾岫翠生香
偶携杖笠間孤
徃恰似高僧度石梁

癩犬

獨立亭、傲不眠
風、雨、總忘年
猿來鶴去疑相
問翹首無言待米顛

卧石

伴月和雲性自廉
百花香裡了無沾
長年高枕忘塵

世亦任孤峯日上尖

上巳野集詩

佳客林中日々逢况邀令節共携筇溪山有約供遊
興逸少能將支遁容

其二

不覺尋幽興轉賒水邊疎樹隱山家隔蹊便是千尋
壁共坐看雲且喫茶

其三

風中雪片舞殘梨
茆屋藏雲傍柳低
野鳥不知多勝
侶聲、欲向酒邊啼

其四

昆池虛碧漾晴霄
遠岫烟橫綠萬條
偶憶前春曾憇
跡野田不覺又青苗

其五

玉案橫斜倚畫屏
往來遊艇集沙汀
獨慚對此無佳
句幸有諸公筆墨靈

其六

懶向塵中傲喜嗔情耽山水味如醇春來得過盧敖
杖破我芒鞋亦可人

其七

會遊士女幾班班醉挿蠻花過柳灣一路晚霞人去
盡好留吾輩看青山

其八

同人談嘯坐花灘原勝當年設拜壇采得香藜堪作

供清風共對比椒蘭

其九

漁艇歌聲入葦花
漸看新月映殘霞
江山不改蒼
色幾遍閒心踏落花

其十

歸燕隨人過板橋
更期遊屐在明朝
薜蘿且穩繩床
夢不啻昆池響夜潮

吳學憲太公八

華誕

戟門世德煥聲光
正學淵源接魯鄉
課子但期明至
道濟人每自罄懸囊
森々玉立天陔樹
奕々家傳御
墨香牧鶴逢仙曾授訣
至今丹府合中黃

其二

聽說先生行徑竒
條然高寄海之湄
年踰尚父驅蒲
日貌類嬰兒戲竹時
青島既常牽逸興
紫泥翻疊受
宸知教余倚杖香林外
不禁瞻雲

起慕思

其三

屈指名賢亘古今耐菴殊是繫情深生前力定仙人
地悟後心空翰墨林向夜觀蟾新浴水依庭愛樹遠
交陰山房未及同清話賴有長潮送好音

奉和制府小巫峽小龍湫韻

疑從巫峽遠飛來峽口濤鳴古雪堆直透雲根天一
線信知仙斧此中開

其二

蒼煙深處見青山屈曲溪聲引杖攀古洞玉龍眠不

穗等洞遊出白雲間

己巳季春制府招遊昆池登太華山

雨霽空明望不迷
彩帆遙指數峰西
漁家盡傍蘆葦浦
遊舫偏依楊柳溪
雲落磬聲知寺近
林傳鳥語出煙低
相携小泊山花畔
一徑香風送馬蹄

其二

太華尊重冠南滇
畫閣新開萬壑煙
鬢鏡波光爭入檻
群峰揖讓敢并肩
景逢賞識高明眼
寺着芳名亘

古傳老衲喜隨遊
覽興管絃歌醉彩霞天

瑞菊秋學臺吳先生韻

庭前瑞應燦聯芳
秀放平肩各樣妝
澹似鸞黃嬌且嫩
素如鶴白羽生香
一牕月愛花連影
三徑風憐舞帶狂
我亦東籬多逸興
雙葩對飲醉秋光

次答范伊璜見訪

僻處來高士
憐予亦楚鄉
笑梅僧共冷
談麈興偏長
落筆煙霞曉
驚人字句香
多君致爽氣
三徑喜開荒

喜雨

不負蒼生望皇天意亦誠禾苗將蒿際甘雨及時生
萬物欣霑澤群農喜有成恭承當道德政事盡公明

贈曹集孔

浪遊數十載青眼獨逢君昆海初親塵華峰高出雲
驚人李杜句傳世柳韓文更羨品孤潔超然出士群

次友人過訪

依依楊柳遠溪栽喜有雙鳧破蘚苔幾樹秋聲吹雨

去千峰晴日到門來琴書久已隨荒隱竹徑今朝為
客開正快高談心自爽忽聽歸騎晚霞催

題漁父圖贈子及程先生

當年漁隱稱嚴子千載孤風未可群偶見此圖興仰
慕喜今高尚有程君

己巳春正送許巨山公子歸虎林

先生天下士英俊美鬚眉携琴事遠遊探竒來昆池
何幸得親塵譚心太古朔忽理東歸策媿我難追隨

陽春不擇處藉以仁風吹
隹音時寄我慰我萬里思
羅秉昭書齋新成賦贈

一室清如許書聲破曉煙
筆生花作字詩煉句成仙
席翠新篁裏邀琴話月前
幽然公署靜澹遠勝林泉

次答顧輝六見懷

天風飛下彩雲毫清響如鳴鶴
九臯欲修尺素通懷
渴遙望文山天畔高

其二

君去新荷綠滿溪
君歸香裏稻花齊
自從揖別懷無
間明月宵々照竹西

遊西華洞次友人韻

煙霞藏古洞能到可稱仙
徑入遠深翠池分上下天
縱觀雙眼濶談嘯萬峰巔
况與高人共留連未忍還

山中雨霽坐月

靜極深山多古色
况當新霽望時前
携琴坐聽松間
月煮茗香分石上泉
淡影橫空疑夜雪
寒光侵席似

秋天更殘萬籟虛無跡雲外鐘聲破曉傳

次答顧輝六見訪

浪遊十載阻滇維敢向人前好作師老步難逢歸路
便一瓢聊以寄昆池

其二

晨啟柴門映彩霞喜逢高士過山家談鋒已見維摩
意不用重拈鷲嶺花

其三

半村半郭隱柴扉
荒徑深鎖翠微話
石堂前誰領
略自慚老朽已忘機

其四

全無彼此又何觀
萬象收歸一釣竿
和雲獨據孤峰
頂嘯對昆池夜月寒

題贈程子及先生冊

浪遊數十年
或青眼獨逢君
見海初親塵華峰
高出雲
驚人醉後白
傳世文章更
美品孤潔卓然
超士群

庚午新秋日奉送筠堅范先生之雲間

雨霽昆池秋氣爽
羨君先我別南滇
千峰翠裏孤筇
遠萬里雲間一鶴還
行履清真心若水
詩文靈秀句如仙
何時得遂區區願
負笈同遊三泖前

己巳秋仲同諸友集學臺克菴吳老先生書齋
兼領詩學之教即事

秋
鮫喜見招共坐
清風裏接塵
聆玄誨得悟
詩中理
揖別策歸筇
步覺煙霞起

即日承見贈奉和

雨餘爽氣逐筇來
艸履生香濕翠苔
譚麈幸逢天日
霽講筵喜對菊花開
洋魯國傳真學濟
滇南拔異才
雅集煥然心目
朗歸携明月照山隈

范伊璜先生見訪即韻奉答

萬里無端訪五華
孤筇浪跡老天涯
久於塵世能忘
我每到溪山即作家
幸遇文公垂雅愛
喜親談麈聽
飛花不嫌野外清
貧甚歸興何妨帶晚霞

贈王玉潤文

逸少風流獨姓王
山靈鍾秀豈尋常
筆花燦比春花
富心水清同秋水
光玉案卓天雲
影碧蒼松聳翠子
含香自欣萬里逢
青眼許我論文對
講堂

庚午寒食喜范頷王三先生見過

欣欣草木泛晴光
風暖清明日漸長
竹下談碁聲破
綠花間分韻句同
香何須名勝供遊
目即此荒郊可
對觴惟喜新賢時
過我不知客老寄
他鄉

夏日喜周天相共上過庵避暑即韻奉荅

避暑豈無地清閒愛野居竹聲新種得
逕草近來除
媿我之燒豕知君不愛魚接談心目爽
勝讀五車書
夏日雨後喜彥則朱先生同諸君子見訪即韻

奉謝

村郭平分處徑隣山水通磬甦幽鳥夢翠卧冷篁叢
甘分居荒僻無能主梵宮晦翁時遠訪塵話事塵空

其二





















